



REPUBLIKA E SHQIPËRISË
KOMISIONI QENDROR I ZGJEDHJEVE

KOMISIONERI SHTETËROR I ZGJEDHJEVE

Data: 10 Shtator 2021

Nr: 440

V E N D I M

P Ë R

**DHËNIEN E MANDATIT TË DEPUTETIT TË KUVENDIT TË SHQIPËRISË,
KANDIDATIT TË LISTËS SHUMEMËRORE TË PARTISË SOCIALISTE TË
SHQIPËRISË, QARKU TIRANË, ZJ. MIMI PJETËR KODHELI**

Në mbështetje të neneve 19, pikat 1, shkronjat “i”, “n” e 2, 163 pika 7, 164 pika 2, të ligjit nr. 10019, datë 29.12.2008, “Kodi Zgjedhor i Republikës së Shqipërisë”, të ndryshuar, të nenit 11, të ligjit nr. 138/2015, “Për garantimin e integritetit të personave që zgjidhen, emërohen ose ushtrojnë funksione publike”, dhe të Kreut V, të vendimit nr. 17/2016, të Kuvendit, “Për përcaktimin e rregullave të detajuara mbi zbatimin e ndalimeve të parashikuara në ligjin nr. 138/2015, “Për garantimin e integritetit të personave që zgjidhen, emërohen ose ushtrojnë funksione publike”, pasi shqyrtova dokumentacionin përkatës,

V Ë R E J

Me shkresën nr.1841/1 prot., datë 10.09.2021, Kuvendi i Republikës së Shqipërisë, ka njoftuar Komisionin Qendror të Zgjedhjeve për krijimin e vakancës në Kuvendin e Republikës së Shqipërisë, vakancë kjo e krijuar për shkak të dorëheqjes, të zj. Najada Fatosh Çomo, i zgjedhur deputet në zonën zgjedhore, qarku Tiranë, propozuar nga Partia Socialiste e Shqipërisë.



Partia Socialiste e Shqipërisë, është regjistruar si subjekt zgjedhor për zgjedhjet për Kuvendin e Shqipërisë, me vendimin e Komisionerit Shtetëror të Zgjedhjeve nr. 69, datë 15.02.2021.

Komisioni Rregullator me vendimin nr. 21, datë 13.07.2021, shpalli rezultatin përfundimtar të zgjedhjeve për Kuvendin e Shqipërisë të zhvilluara në datë 25.04.2021.

Komisioneri Shtetëror i Zgjedhjeve nëpërmjet vendimit nr. 409, datë 23.06.2021 miratoi shpërndarjen e mandateve midis subjekteve zgjedhore, përcaktimin e kandidatëve fitues si dhe rirënditjen e kandidatëve të cilët nuk kanë përfituar mandat në bazë të numrit të votave parapëlqyeshen në zonën zgjedhore qarku Tiranë, për zgjedhjet për Kuvendin e Shqipërisë të datës 25.04.2021.

Sipas këtij vendimi Partia Socialiste e Shqipërisë për zonën zgjedhore qarku Tiranë, për zgjedhjet për Kuvendin e Shqipërisë të datës 25 Prill 2021, ka fituar 18 (tetëmbëdhjetë) mandate dhe kandidatët fitues nga lista shumëmemërore e Partisë Socialiste të Shqipërisë, qarku Tiranë, janë:

numri rendor 01 (një) zj. Luljeta Vasil Bozo, numri rendor 02 (dy) zj. Najada Fatosh Çomo, numri rendor 03 (tre) z Oraldo Aqif Rakipi, numri rendor 04 (katër) zj. Ogerta Dhionis Manastirliu, numri rendor 05 (pesë) z. Arben Nevruz Ahmetaj, numri rendor 06 (gjashtë) z. Ulsi Qerim Manja, numri rendor 07 (shtatë) zj. Etilda Dalip Gjonaj, numri rendor 08 (tetë) z. Arben Servet Pëllumbi, numri rendor 09 (nëntë) zj. Elisa Aleksander Spiropali, numri rendor 10 (dhjetë) zj. Belinda Çlirim Balluku, numri rendor 11 (njëmbëdhjetë) z. Toni Jorgaq Gogu, numri rendor 12 (dymbëdhjetë) z. Etjën Vullnet Xhafaj, numri rendor 13 (trembëdhjetë) zj. Ermonela Koço Valikaj, numri rendor 14 (katërmëdhjetë) z. Xhemal Myslym Qefalia, numri rendor 15 (pesëmbëdhjetë) z. Fatmir Sezai Xhafaj, numri rendor 16 (gjashtëmbëdhjetë) zj. Klotilda Fatmir Bushka, numri rendor 17 (shtatëmbëdhjetë) z. Alqi Edmond Bllako, numri rendor 18 (tetëmbëdhjetë) z. Eduard Pajtim Shalsi.

Rezulton se lista shumëmemërore e Partisë Socialiste të Shqipërisë, në zonën zgjedhore, qarku Tiranë, i plotëson të gjitha kriteret e përcaktuara në nenin 67 të Kodit Zgjedhor, duke përfshirë dhe kriterin e gjinisë.

Duke qënë se dorëheqja e zj Najada Fatosh Çomo, ul përfaqësimin e gjinisë së nënpërfaqësuar, zëvendësimi i vakancës do të bëhet sipas përcaktimeve të nenit 163 pika 7, nenit 164 pika 2, të Kodit Zgjedhor si dhe vendimit nr. 409, datë 23.06.2021 të Komisionerit Shtetëror të Zgjedhjeve në të cilin është miratuar rirënditja e kandidatëve të cilët nuk kanë përfituar mandat në bazë të numrit të votave parapëlqyese.

Neni 164, pika 2 parashikon “Mandati i ndërprerë i deputetit ose i anëtarit të këshillit të bashkisë i kalon kandidatit vijues të listës së të njëjtës parti politike në zonën zgjedhore përkatëse, përveçse kur plotësimi i



vakancës me kandidatin e radhës ul përfaqësimin e gjinisë së nënpërfaqësuar. Në këtë rast plotësimi i vakancës bëhet nga kandidati i parë në listë i gjinisë së nënpërfaqësuar pavarësisht renditjes në listë. Emrat e tjerë të asaj gjinie ngjiten në listë duke marrë renditjen e kandidatit paraardhës të së njëjtës gjini”.

Në këtë rast plotësimi i vakancës me kandidatin e radhës, i cili është i gjinisë “mashkull” do të ulte përfaqësimin e gjinisë së nënpërfaqësuar dhe për këtë arsye zëvendësimi i kandidatit do të bëhet me kandidatin e radhës të gjinisë “femer”, të përcaktuar në vendimin nr. 409, datë 23.06.2021 të Komisionerit Shtetëror të Zgjedhjeve.

Sipas këtij vendimi, rezulton se, kandidatit të cilit i kalon mandati i deputetit, është kandidati me numër rendor 20, (njëzet) zj. Mimi Pjetër Kodheli.

Referuar nenit 11, të ligjit nr. 138/2015, “Për garantimin e integritetit të personave që zgjidhen, emërohen ose ushtrojnë funksione publike”, vetëdeklarimi dhe verifikimi i kushteve të të dhënave në përputhje me këtë ligj, kryhet për çdo kandidat të listës shumemërore për zgjedhjet pararendëse, për Kuvendin të cilit i takon të marrë mandatin e deputetit për vendin vakant.

Për sa më sipër, kandidati për deputet, zj. Mimi Pjetër Kodheli, ka plotësuar e depozituar formularin e vetëdeklarimit, me numër 1899 unik, në Komisionin Qendror të Zgjedhjeve, si organi kompetent për administrimin, verifikimin, zbatimin e ndalimeve për zgjedhjen dhe emërimin në funksionin publik, ku përfshihet dhe funksioni i deputetit. Pas verifikimeve të kryera, referuar pikës 2, të Kreut V, të vendimit nr. 17/2016 të Kuvendit konstatoj se të dhënat e kandidatit për deputet, në zonën zgjedhore, qarku Tiranë, për Kuvendin e Shqipërisë, zj. Mimi Pjetër Kodheli, nuk përbëjnë kusht për moszgjedhjen e kandidatit në funksionin e deputetit në Kuvendin e Shqipërisë.

Për sa më sipër, mandati i ndërprerë i deputetit zj. Najada Fatosh Çomo, i përket kandidatit vijues në listën shumemërore të Partisë Socialiste, në zonën zgjedhore, qarku Tiranë, i renditur me numër rendor 20, (njëzet) zj. Mimi Pjetër Kodheli.

PËR KËTO ARSYE:

Bazuar në nenet 19, pikat 1, shkronjat “i”, “n” e 2, 163 pika 7, 164 pika 2, të ligjit nr. 10019, datë 29.12.2008, “Kodi Zgjedhor i Republikës së Shqipërisë”, të ndryshuar, në nenin 11, të ligjit nr. 138/2015, “Për garantimin e integritetit të personave që zgjidhen, emërohen ose ushtrojnë funksione publike”, dhe në Kreun V, të vendimit nr. 17/2016, të Kuvendit, “Për përcaktimin e



rregullave të detajuara mbi zbatimin e ndalimeve të parashikuara në ligjin nr. 138/2015, “Për garantimin e integritetit të personave që zgjidhen, emërohen ose ushtrojnë funksione publike”

V E N D O S:

1. Dhënien e mandatit të deputetit të Kuvendit të Republikës së Shqipërisë, kandidatit të radhës në listën shumemërore të Partisë Socialiste të Shqipërisë, në zonën zgjedhore, qarku Tiranë, zj. Mimi Pjetër Kodheli.
2. Kundër këtij vendimi mund të bëhet ankim në Komisionin e Ankimimeve dhe Sanksioneve brenda 30 (tridhjetë) ditëve nga hyrja e tij në fuqi.
3. Ky vendim hyn në fuqi menjëherë dhe botohet në Fletoren Zyrtare.

Komisioneri Shtetëror i Zgjedhjeve

Ilirjan CELIBASHI

